

TAARIFA KWA VYOMBO VYA HABARI

Tarehe 27 Juni, 2015 saa 2:00 asubuhi, Rais wa Jamhuri ya Muungano wa Tanzania na Amiri Jeshi Mkuu wa Majeshi ya Ulinzi na Usalama, Mhe. Dkt. Jakaya Mrisho Kikwete anatarajia kufunga Mafunzo ya Uofisa Ngazi ya Juu Chuo cha Maafisa Magereza Ukonga, Dar es Salaam.

Mafunzo hayo ambayo yamechukua muda wa miezi minne yalilenga kuwaandaa Maafisa kuwa Viongozi ambao watashika nafasi mbalimbali za uongozi ndani ya Jeshi. Jumla ya wahitimu ni 104 kati yao wanaume 76 na wanawake 18 wanatoka Tanzania Bara na wanaume 6 na wanawake 4 wanatoka Vyuo vya Mafunzo Zanzibar.

Sambamba na Sherehe za Kufunga Mafunzo, Jeshi litakuwa likiadhimisha Siku ya Magereza ambapo wananchi watapata fursa ya kuona shughuli mbalimbali zinazofanywa na Jeshi la Magereza.

Sherehe hizo zitahudhuriwa pia na Wakuu wa Magereza toka nchi rafiki ambazo ni Botswana, Kenya, Namibia, Swaziland, Uganda na Zambia ambao ni wanachama wa African Correctional Service Association Tanzania ikiwemo.

Sherehe hizo, zitajumuisha mambo yafuatayo:-

- Mgeni Rasmi kukagua gwaride rasmi lililoandaliwa na wahitimu hao,
- Mgeni Rasmi kutoa Vyeti kwa Wanafunzi waliofanya vizuri katika mafunzo ya darasani na mafunzo ya mbinu za medani,
- Mgeni Rasmi kuvisha cheo kwa wahitimu wawili kwa niaba ya wahitimu wengine,
- Mhe. Waziri wa Mambo ya Ndani ya Nchi kukabidhiwa Cheti cha Usajili wa Kudumu wa Chuo cha Taaluma ya Mafunzo ya Urekebishaji (Tanzania Correctional Training Academy) na NACTE,
- Mgeni Rasmi kutoa Hotuba na
- Mgeni Rasmi kukagua mabanda ya maonesho.

Sherehe hizo zinatarajia kukamilika saa 8:25 mchana. Vyombo vya Habari vinakaribishwa kwenye sherehe hizo tarehe 27 Juni, 2015 kuanzia saa 2:00 asubuhi.



John C. Minja

KAMISHNA JENERALI WA MAGEREZA